

flu, Honflorium in æstuario Sequanæ situm ca-
stellum, collibus undique veluti conclusum.

Portus Graciæ, quem Franciscus I ædificare
cœpit adversus vim Anglorum, Henricus vero
filius ejus egregie munivit.

In Constantiensi territorio præter oppidum
Constances, Castra Constantia vocant, sunt *Valoi-
gne*, Cheriburgum munitissimum oppidum ad
mare, & alia quædam minoris momenti.

Ivetotium municipium est hodie illustrissimæ
& antiquitate & meritis Bellajorum familiæ,
regni titulo ex ea occasione celebre, quod cum
Clotarius Rex, dum Augustæ Sueffionum esset,
circa S. annum 10xxxiv, Valterum loci do-
minum à bello contra Saracenos bene gesto re-
ducem, sibi olim invisum, ipso Passionis Domi-
nicæ die, in sacello agnitum, arrepto unius è sti-
patoribus gladio, occidisset. Nam Agapeto
Pontifice diras interminante, nisi Rex de cæde
tanto sacrilegio patrata uxori liberisque inter-
fecti satisfaceret; ille ut piaculo se solveret, fi-
dem ratione beneficiarii fundi à Valteri hære-
dibus sibi tanquam Regi ac supremo domino
debitam, remisisse dicitur, &c. Et fide huic hi-
storiæ derogata, ita concludit; ut ut sit, hodie
Ivetotium regni nomen retinet, & ab omni fidei
præstatione liberum est.

Falefia (vulgo *Falaise*) in clivo munitum situ
oppidum, & aquæ inexhaustæ stagno ab ima
parte circumdatum, arcem secundum Cado-
mensem omnium provinciæ firmissimam habet.
Gibræum tanquam suburbium illi annexum,
nundinis tota provincia celeberrimum.

De Ducatibus Superioris Normanniæ pauca
addamus: *Alençonium* ad Sartram fluvium, qui
apud Andegavenses in Ligerim provolvitur,
Comitatus olim titulo fuit celebre. Primus Va-

lesiorum & Alençonii Comes legitur Carolus,
Philippi III Franciæ Regis filius. Hic tres habuit
conjuges, Clementiam, Caroli II Regis Apu-
liæ: Catharinam, Philippi filiam, Balduini I Im-
peratoris Byzantini neptem: Machtildem Gui-
donis Castilionæi, Comitis S. Pauli filiam. Ex
hac Ludovicus, quo improli decedente, Comi-
tatus ad Carolum II fratrem est devolutus. Huic
successit Carolus tertius filius, quo in Archiepi-
scopum Lugdunensem lecto, Comes quintus
factus est frater Petrus, pater Joannis, quem pri-
mum Alençonii Ducem inauguravit Carolus
VI Rex Franciæ. Hunc secuti Joannes II Dux
secundus, Renatus Dux tertius, & Comes Perse-
nensis: Carolus denique I V Dux quartus, quo
sine liberis extincto, Ducatus ad Franciscum I
Francorum Regem rediit. Renatum rursus Du-
catus nomen in Hercule Andegavensi, qui post-
ea Francisci nomen assumpsit. Hic sine masculo
hærede defunctus, regno restituit Ducatum.

Quod ad Ducatum Aumaliæ attinet, Antonius
Comes Vadimontius duxit Mariam filiam, &
hæredem Joannis Harcuriæ & Aumaliæ Comit-
is. Hinc natus Fridericus, Comes Vadimontius &
Aumalius. Hic, cum Iolam duxisset Renati An-
degavensis Regis Siciliæ filiam, Lotharingiæ
Ducatum hærede vacuum ad veterem stirpem
Bilionæam reduxit, successorem nactus Rena-
tum, Lotharingiæ Ducem, Comitemque Va-
dimontium & Aumalium: cui cum plures essent
liberi, Claudius septimo loco natus Dux Guis-
iæ & Aumaliæ, Comitatu jam in Ducatum evecto
ab Henrico II, an. 1547. Huic filius fuit Clau-
dius Dux Aumalius, cui cum unica esset filia Ca-
tharina, eam Nicolao Comiti Vadimontio suo
agnato elocavit. De Ducatu Longavillano ni-
hil habeo quod dicam.

*Aumaliæ
Duces.*

*Longavil-
lani.*

Normanniæ Ducum stemma ex Normannis.

- 1 Rollo Normannus Christianus factus cum
gente sua, primus factus est Dux Nor-
manniæ, consentiente Carolo Simplice,
Galliarum rege.
- 2 Guilielmus cognomine *Longa-Spatha*, Rol-
lonis ex priore conjuge filius, Dux Nor-
manniæ I I, Rudolpho Francorum Regi fi-
dem omnem pollicitus, tota donatus scri-
bitur Britannia: ab Arnolpho Flandriæ
Comite occisus, Rotomagum delatus est,
& sepultus, anno 924.
- 3 Richardus Intrepidus Dux Normanniæ
I I I, obiit anno 980, sepultus Fescampi.
Vxorem habuit Annam, (aliis Agnes dici-
tur) Hugonis Magni filiam, improlem, qua
mortua duxit Gonoram Danam, ex qua
natus
- 4 Richardus II, Dux Normanniæ I V, obiit
anno 1026.
- 5 Richardus III, Dux Normanniæ V, Richar-
dus Gallia.

- 6 Robertus, *Liberis* cognomine, Dux Nor-
manniæ VI, post fratrem. Obiit in pere-
grinatione Hierosolymitana, sepultus Ni-
ceæ, anno 1035: natus illi ex concubina.
- 7 Guilielmus Nothus, natalibus à patre ante
peregrinationem Hierosolymitanam resti-
tutus, Dux Normanniæ VII, *Conquæstor*
cognominatus, quod Angliæ regnum, ab
Eduardo cognato ipsi legatum testamen-
to, conquiescit, sibi que armorum vi sub-
jecerit. Mortuus est anno 1093. uxor fuit
Machtildis Balduini Pii Comit-
is Flandriæ filia.
- 8 Robertus II, Guilielmi Nothi filius, Nor-
manniæ Dux VIII, duplici se parricidio,
patris & fratris contaminavit.
- 9 Guilielmus Dux Normanniæ IX, Roberti
filius: obiit improlis.
- 10 Henricus I, *Bellus-Clericus*, patruus Guilielmi,
Z in Nor-